

Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh

(ciep banj 8)

Cibsam、Doicaenh Aen Dijhi Caeuq Gij Naengzlig Guekgya Ancienz Habngamj Ciuheix, Hwnqguh Aen Cungguek Bingzan Suijbingz Engq Sang

Hwnqguh aen Cungguek bingzan dwg gij neiyungz youqgaenj guh gij yendaiva yiengh Cungguek. Dawzdingh hengzguh aen swhsiengj guekgya daengxbuenz ancienz, byaij diuz roen ceihleix ndawbiengz yiengh sevei cujyi miz gij daegsaek Cungguek, saedbauj ndawbiengz hwnghoengh fwd fwd youh caezcingj mbouj luenh.

(49) Laebcaez aen dijhi guekgya ancienz. Gyamaenh aen dijci ndaej gyonjcomz、gienzvi yauqlwd sang bae lingjdauj guekgya ancienz haenx, gyavaiq cauhaeb yiengh ancienz moq, engq gagrox daj canloz bae henho h caeuq dajcauh guekgya ancienz. Dingjmaenh aeu canloz guh dazyinx、aeu cwngcwz guh giz roengzfwngz、aeu fapceih daeuj baujcanj、aeu fuengzre gaemhanh fungyiemj guh giz roengzdin, laebndei aen dijhi fapceih、aen dijhi canloz、aen dijhi cwngcwz、aen dijhi fuengzre gaemhanh fungyiemj nangqdaengz guekgya ancienz. Gyaak aen gihci hezdiuz gij lingjyiz youqgaenj caeuq cienhangh youqgaenj nanangq guekgya ancienz haenx, hawj wngqgip wngqbienq engq ndei engq vaiq. Doeksaed aen cwzyinci guekgya ancienz, coicaenh sojmiz lienhdiuz sojmiz yausu doxgap doxlien, cauxbaenz gij rengzgap oklaeng dijhi. Laebndei aen gihci guekgya ancienz nangqdaengz rog guek, laebhwnj aen dijhi baujcanj youq rog guek ndaej ancienz, lai rox guh yiengh doucwngh fanj ceihcaiz、fanj capfwngz、fanj “iet gen daeuj guenj”, youq ancienz lingjyiz caeuq gozci gyalae g doxgap caepfap, doinyoengx caezcienz ceihleix hawj daengx seiqgyaiq ancienz. Lai guh yiengh gyauyuz guekgya ancienz, cukmaenh faj ciengz yinzminz henho h guekgya ancienz.

(50) Gyarengz guh’ ak gij bonjsaeh hawj aen lingjyiz youqgaenj guekgya ancienz. Dajcauh gij bonjsaeh henho h guekgya ancienz hab caen hoenx youh caen miz yungh, daegbied yawjnaek baujcanj gij ancienz hungnaek nanangq guekgya ciengzgeiz onjdingh、ginghci ndei onj、yinzminz youq onj maij hong, aeu henho h cwngei ancienz baij youq vih daih’ it. Cuknet gij giekdae j baujcanj guekgya ancienz, saedbauj haeuxgwn、nwngzzyenz swhyenz、diuzlien h canjniieb diuzlien h gung’ wngq youqgaenj、gij sezsih giekdae j hungnaek ancienz, gyarengz damqra haifat caeuq bwhcw k doengh cungj gvangcanj swhyenz hawjrengz daengxbuenz, lai rox gyonjcomz cingsaek ancienz yungh raemx swhyenz, henho h diuz doengloh yungh guh canloz de ancienz, doicaenh hwnqguh gij diegndaw hab guekgya canloz caeuq bwhfaenh gij canjniieb ceiq youqgaenj. Gyarengz youq vangjloz、soqgawq、yinzgungh cinwngz、swnghvuz、swnghdai、hwz、daigungh、gizlaeg dieghaij、gyaeujdigiu z、mbwndaemq daengj gij lingjyiz ngamq hwng neix gyaak naengzlig henho h guekgya ancienz. Daezsang gij naengzlig fuengzre vaqgej gij fungyiemj ndaw lingjyiz youqgaenj, doengbuenz maeuzveh miz bouhloh vaqgej gij fungyiemj oklaeng fangzdicanj、ngaenzcai q deihfueng cwngfuj、ginhyungz gihgou rauh iq daengj, yiemzfuengz ok gij fungyiemj baenzroix.

(51) Daezsang gij sui jbingz ceihleix yiengh ancienz caezcaemh. Laebndei aen dijhi yiengh ancienz caezcaemh, doinyoengx aen vunqsik ceihleix gij ancienz caezcaemh cienjhingz baenz saeh gonq yawhfuengz. Gyarengz gamcaek yawhbauq yawhgingj gisieng、suijvwnz、diciz caihaih, gyaak bonjsaeh baujcanj fuengz cai gemj cai gouq cai caeuq cawqceq gij saehgienh caezcaemh fwtfat hungnaek, gyarengz guh gij hong wngqgip cijveih、ancienz swnghcanj、gijgwn gijyw ancienz daengj. Daezswng naengzlig hawj gij sezsih giekdae j youqgaenj daengx aen ancienz, caencingq ndaej naenx roengz gij saehhux hungnaek、saehhux daegbied hungnaek. Gyalae g laebguh aen dijhi caeuq ganq ak yiengh naengzlig doengbuenz fuengzhaed cianh ndawbiengz, doeksaed diuzrap henho h ndawbiengz onjdingh, guhhung aen doih vunzlai caez fuengz caez ceih, laebcaez gij gihci baeznaengz baet yak cawz rwix, gyarengz yawhfuengz caeuq dwkceih densin vangjloz yaeuhlox、huqdoeg famhcoih daengj. Doicaenh hwnqguh aen cungsim gyoe bhab ceihleix hab gveihfan. Gyalae gyoe bhab ceihleix hawj vangjloz ancienz, gyarengz baujhoh saenqsik gagboux. Gyahaenq yawhfuengz caeuq ceihleix gij famhfap famhcoih bouxcaengzhung. Cienzmienh cinjdeng hengzguh gij cwngcwz hingzsaeh soeng yiemz doxbouj, ciuqfap fadceih yiengh saeh famhfap famhcoih, hawj hingzfad caephengz engq raenhamq.

(52) Laebndei aen dijhi ceihleix ndawbiengz. Dingjmaenh baenzroix ceihleix、ciuqfap ceihleix、gyoe bhab ceihleix、daj goek ceihleix, laebndei gij cidu ceihleix ndawbiengz caez guh caez guenj caez yungh, doicaenh gaiq hong ceihleix ndawbiengz gaen hwnj seizdaih. Laebndei gij di jci gihci guh hongsaeh ndawbiengz, laebndei gij cwngcwz caeuq aen dijhi fap lwd fapgyi ceihleix ndawbiengz. Lai roengzrengz youq ndaw ginghci cujci z moq、sevei cujci z moq、gyoengqvunz couhnieb moq gensez aen Dangj. Gyarengz gungganq guenjleix sevei cujci z, doinyoengx hangznieb hezvei sanghvei gaijgwz hwn gfat. Gyarengz aeu dangjgen bae dazyinx ceihleix gihcwngz caeuq hwnqguh cwn ggenz gihcwngz, cienzmienh saedhengz mbawdan lied gij saehhangh yanghcin

(gaihdau) aeu hengzguh de, laebcaez aen cidu cinjhawj saehhangh hongsaeh haeuj cunh (segi h). Dingjmaenh caeuq guhhwng gij “gingniemh Funghgyauz” seizdaih moq, gyarengz ceihleix lajmbanj, caezcienz ceihleix segi h. Langh’ ok gij rengz yinzminz ginzchung guh goek, dazyinx gak fueng miz bouhloh bae caeuqfaenh ceihleix ndawbiengz. Doicaenh gwnz vangj laj vangj boiqhab ceihleix. Gyalai boiq gij vunz fugsah guenjleix gihcwngz, laebcaez gij sezsih fugsah caeuq gij gihci baujcanj gingfeiq. Langh’ ok gij rengz doengh gij iekdingh vunzgai、iekdingh vunzmbanj, gyarengz guh ndei gyadingz gya’ gyauq gyafung, coihawj gaijbienq gij fungsug gaeuq rwix, caensaed gaijndei gij saeh rwix ndaw banh hoengzsaeh、begsaeh、hoihlaeuj daengj.

Laebndei aen gihci gietcomz fugsah vunzchungq, dwkmaenh aen giekdae j vunzchungq ceihleix ndawbiengz. Gyarengz aeu swhsiengj cwngei dazyinx, gaijndei guenjleix bae fugsah gak loih gyoengqvunz ndawbiengz, laebcaez gij cidu diuzhuz gvanhaeh leih’ ik、baujcanj gienzik habfap, gvansim gyaeczoh gyoengqvunz hoj、nyieg. Laebcaez aen dijhi fugsah simleix ndawbiengz caeuq aen gihci capfwngz fuengz oksaeh. Lai hawj diuz yezen siminz doengh aen bingzdaiz fugsah caezcaemh neix fugsah vunzlai, doidoengh “vunzlai miz iugouz、raeuz cix miz hoizwngq”. Fazcanj yiengh fugsah gagnyienh, gyarengz guenjleix gij cujci z gagnyienh fugsah. Doicaenh gaiq hong sinfangj engq hab fapceih. Haeujlaeg doinyoengx daj gizgoek、lai miengloh、miz bouhloh bae vaqgej mauzdun cengnauh. Guhhung guh’ ak aen doih boux guh hongsaeh ndawbiengz, daezswng naengzlig engq ciennieb fugsah.

Cibseiq、Ciuqgeiz Guhbaenz Aen Moegbiu Buekguh Laebbaenz Bingdoih It Bak Bi, Ciuq Yiengh Ceiq Ndei Bae Doicaenh Gozfangz Caeuq Bingdoih Guhbaenz Yendaiva

Gyamaenh gozfangz caeuq guh’ ak bingdoih dwg gij canloz cengjdingj guh gij yendaiva yiengh Cungguek. Hengzndei Aen Swhsiengj Siz Ginbingz Lwnh Ak Bing, hengzndei diuz canloz fuengcim bingsaeh seizdaih moq, dingjmaenh seizseiz yienghyiengh aeu Dangj lingjdauj bingdoih yinzminz, hengzndei aen cidu ginhvei j cujsiz rapdawz cwzyin, ciuq aen canloz moq “faen sam yamq byaij” hawj gozfangz caeuq bingdoih guhbaenz yendaiva, doicaenh baengh cwngei laeb bing、baengh gaijgwz ak bing、baengh gohgi ak bing、baengh vunzcaiz ak bing、baengh fap lwd guenj bing, doq doucwngh、doq bwhhoenx、doq hwnq ndei, gyavaiq aeu gi hgaiva sinsizva cinwngzva yungzhab hwn gfat, daj gwnz canloz gyaak bonjsaeh henho h gij cawjgienz、ancienz、leih’ ik hwn gfat guekgya.

(53) Gyavaiq guh’ ak gij rengzhoenxcien gq maenhndei. Guhhung gij rengzlig canloz haephwk, henho h daengx seiqgyaiq canloz doxdaengh caeuq onjdingh. Doicaenh gij rengzlig hoenxcien gq lingjyiz moq singqcaet moq guh baenz gveihmoz、baenz caen hoenx、baenz dijhi, gyavaiq lai baengh yiengh cinwngz hoenxcien gq mbouj yungh vunz caeuq gij naengzlig naenxdauq, gyarengz swnggaep gaijcauh gij rengzlig hoenxcien gq conzdu ngj. Doengbuenz maeuzveh hwnqguh yinhyungh aen dijhi vangjloz saenqsik, gyarengz haifat lei hyungh swhyenz soqgawq, laebhwnj aen dijhi bingsaeh cinwngzva. Gyavaiq guh hawj houginz gaen hwnj seizdaih. Hengzguh gij gunghcwngz hungnaek fazcanj gozfangz, gyagaenj gozfangz cau hmoq gohgi caeuq cienjva q gisuz akmoq, gyavaiq cau hguh gij vujgi canghbei akmoq. Gaijndei gij cwn gcwz cidu vunzsaeh ndaw bingdoih, daezswng yenyau bingdoih engq ak banhhag ganq vunz, dajcauh aen doih vunzcaiz bingdoih yienghmoq suciz sang youh ciennieb. Hengzguh aen gunghcwngz doicaenh lij lun bingsaeh gaen hwnj seizdaih. Gyalae couzveh canloz caeuq hoenxcien gq, maenh saed ciuq biucinj caen hoenx bae lien h bing, gyarengz baenz dijhi bae gyoe bgyonj gij naengzlig hoenxcien gq, cau hmoq aen vunqsik laebguh caeuq yinhyungh rengzhoenxcien gq, hawj bingsaeh doucwngh engq miz cimdoi q、engqgya cawjdoengh、engq ndae j dajcauh.

(54) Doicaenh bingsaeh ceihleix hab ciuhneix. Laebndei gij di jci gihci lingjdauj guenjleix bingdoih yinzminz, diuzcingj gaijndei aen dijhi lienzhab hoenxcien gq. Gyarem caeuq gaijndei gaiq hong guenjleix canloz, gyalae doengbuenz maeuzveh hoenxcien gq、hwnqguh、bwhhoenx, lai aeu gij hoenxcien gq aeuyungh guh dazyinx, cau hmoq gij guhfap banhfap guenjleix, lai hawj ginhs w hidungj hengz ndae j engqgya swnhdoeng、gozfangz swhyenz yungh ndae j engqgya mizyauq. Gyarengz cazcam bingzguj gezcwz hungnaek caeuq gamguenj hanghmoeg hungnaek, doicaenh gaijgwz yiengh saeh guenjleix gij yawhsuenq gingfeiq bingsaeh, gaijndei aen cidu dajcawx bingsaeh, laebndei aen dijhi doenggeiq bingzguj yiengh saeh gensez bingdoih, cienzmienh doeksaed diuz fuengcim gaenxgiemh ciengx bing, byaij diuz roen yauqik sang、cingzbonj daemq、ndae j lienzdaemh hwn gfat. Laebdaeb gyalae gaiq hong coih son cwngei, hwn gcienz gij conzdu ngj maenhndei, gyahaenq cwn gjdun ceihleix gij hangznieb caeuq lingjyiz youqgaenj. Haeujlaeg doicaenh ciuq fapceih guenj bingdoih, lai ceiqdingh fapgyi cidu hawj bingdoih caeuq gamduk caephengz, caezcienz aen dijhi fapceih bingsaeh miz gij daegsaek Cungguek.

(cienj banj 10)